

1 Further history of Lamola people (cf ser 103).

Lamola ke Langa ke madi a Langa o tsuile lethekeng la Langa. Ena Rabothe Langa ke yena Lamola, Lamola ke leina la boxale marumong, ke yena Selamolela Matebele. Rabothe a tswala Manhlwa, Manhlwa a tswala Makxorometja, Makxorometsa a tswala Bohlahlara le Maruputlane. Bohlahlara a bolaya ke Mankupane, ba xa Lamola ba huduxela xa Matlala, xwa busa Maruputlane lexatong la Bohlahlara.

2 Maruputlane a hwa xwa busa Nkwadi a ra ntlapele Sekakaletse ke a xo wetsa mokoti wa xo ya bona ba Nkwana. Nkwadi Lamola e be e le kxosi e rataxo batho ba basweu le ba baso. Taba e ngwe se e bonthsaxo mo bathong ba xaxwe xo tloxa mathomong xa puso ya Maburu batho ba beng ba sitwa ba be ba swarwa ba bethwa, fela ba bexo ba le ka tlase xa xaxwe a xana taba ye ya phetoxo ya batho a kxopela morena Bernard wa bexo e le othsedisi wa pele wa Maburu xa Matlala le Moletji a re xa ke rate batho ba bethwa xe o hwetsa motho wa ka a se a thsele o tle xo nna o ntsibise ke tla mo patelela. Mothsedisi a dumelelana le kxosi Nkwadi Lamola. Pusong ya Nkwadi xa xo na ya bethilweng ke Maburu bakeng sa mothselo. O be a ba thselela ka thselete e batho ba beng ba lothsa ka yona, fela o be a nthsa seripa mo xo yona, se sengwe seripa se be se tswa mothseleteng ya xo thusa sethsaba. Se sengwe se a bexo ase dira o be a na le thopa le mantonana a xaxwe Madjadihloxo Lamola le Kxaapa Mahapa. Xe xo se na thselete ya sethsaba ba be ba dira byale, ba be ba nyaka motho ya naxo le

3 thselete mo motseng xe ba mmone ba e tsea ba e fa e a bexo a thsele le xo bofolla ya swerwexo ka moraxo xe a bofolotse, kxosi le Komiti ba dire ka matla xo sokeletsa xore a nthse kxomo a e fe mong wa thselete e mofolotsexo. Ka mokxwa o byalo Lamola a ratwa ke batho ba bantsi ba thuthela ba huduxela motseng wa xaxwe, ka mokxwa o Lamola o bile le batho ba bantsi le motse o moxolo e le Letebele mo sethsabeng sa Matlala a kwana le limuso wa batho

ba basweu le kxosi morena Mangoathi Matla le Makotse Matlala e a busetsexo ka moraxo xa Mangoathi. Nkwadi Lamola a hwa xwa busa Matlanatho Lamola, Matlanatho yaba kxosi ya pelo ya bodiba e sa tsebexexo a bosa ka mengwaxanyana fela a ya le naxa le lehono o sa ile.

4

ka moraxo xwa busa Paulus Malesela Lamola. Pusong e botse ya morena Paulus Lamola, ena mo bathong o be a le byalo ka kromo ya mmofu e e kxonaxo ko kxorisa bana ka lapeng. A kxorisa sethsaba sa xaxwe. Taba ya pele ya puso ya morena Paulus Lamola se: O reketse sethsaba naxa ya natse e e bexo thoko ya Makxabeng e e bitswaxo ka leina la Rozenkrans No 974 mo (district ya Pietersburg) Polokwane. O thseletse sethsaba sa xaxwe byalo ka Nkwadi moxolwaxe, o thusitse batho ka moka ba bilexo le melato ya malapa makxoweng le xo batho ba baso.

O dirile ka xo xoxolo xo fetisa bothle ba bilexo xona pele xa xaxwe. O axile sekolo mme xape o bolaile lebollo e lexo bodikana le byale ka ngwaxa wa 1920.

END. S 452